

明·方賢撰

太醫院經驗奇效良方



新文豐出版公司印行

出版說明

醫也仁術，其言五運六氣，所以除疾疢而保性命，醫書之流傳，益可恢宏其仁，是乃利物濟民之寶也。而天地之間，固粗糙易得，精緻難求；自古而今，醫家之書不知凡幾，其精者鮮矣，字句差之毫釐，湯藥小小不達，則後人受弊之深，豈惟千里計哉？故本公司一向懍力於此，不敢稍忽，已精心發行之中醫名著達數百種，並皆少見之珍本，嘉惠杏林，良有以也。

此次由香港陳純仁中醫師大力推薦，提供精選故宮珍藏之古代善本醫書書目，承國立故宮博物院惠借影印刊行，凡三十四種，計精裝五十二冊。搜羅繁富，上自炎昊，下逮里巷，且板本皆爲罕見不傳之秘本、善本，年代蓋不出唐宋元明。要能會其真意，斟酌臨時，期於賢哲着宿有所助益，而醫道可望光大，斯爲天下之大幸焉。

又 本系列珍本醫書之出版流播，特承國立故宮博物院惠助，謹 此

致 謝

新文豐出版公司 謹啓

中華民國七十六年十月

太醫院經驗奇效良方大全卷之二十六

心痛門 附論

謂按素問卒痛論熱氣
二字直入恐乃筆去而已

內經曰五臟卒痛何氣使然曰寒氣客於背俞之脉則血脉泣
脉泣則血虛血虛則痛其俞注於心故相引而痛按之則熱氣
至則痛止矣感於寒則痛久矣病幾要曰諸心痛者皆少陰厥
陰氣上衝也有熱厥心痛者身熱足寒痛甚煩躁而吐額自汗
出知為熱也其脉浮大而洪當灸太谿及崑崙謂表裏俱瀉之
是謂熱病汗不出引熱下利表汗通身而出者愈也灸畢服金
鈴子散則愈痛止服枳朮丸去其餘邪也有大實心中痛者因
氣而食卒然發痛大便或秘久則注悶心胃高起按之愈痛不
能飲食急可利之利後以藁本湯去其邪也有寒厥心痛者手
足逆而通身冷汗出便溺清利或大便利而不渴氣微力弱急
以木附湯溫之寒厥暴痛非久病也朝發暮死急當救之是知

久病無寒暴病非熱也。以是論寒厥熱厥與夫大實心痛治法已詳。又有病久氣血虛損及素作勞羸弱之人患心痛者皆虛痛也。故錢氏心虛者妙益補之。圖經衍義中具蠲治心痛則蠲粉與益實得之矣。大意治病必求其本。究其本究其虛實正謂紫之奪紅相去一間耳。而毫釐疑似實霄壤焉。夫心為五官之主百骸之所以聽命者也。心之正經果為風冷邪氣所干果為氣血痰水所犯則其痛掣背脇脹胸煩咽乾兩目赤黃手足俱青至節朝發而暮殂矣。然心之包絡與胃口相應。往往脾痛連心或陽虛陰厥亦令心下意痛。或他臟之邪亦有客乘於心者。是則心之別脉受焉。如所謂九種心痛。一曰蟲二曰疰三曰風四曰悸五曰食六曰飲七曰冷八曰熱九曰來去者皆是也。真心果痛不知能愈否乎。若手足俱青至節不治陳無擇論心痛又分三因云。十二經絡外感不淫則其氣閉塞鬱于中焦氣與

邪氣發為疼痛，足厥陰心痛，兩脇急引小腹，連陰股相引痛，手
心主痛徹背，心煩掌中熱，咽乾目黃赤，脇滿足太陰心痛，腹脹
滿，漉上然大便不利，膈閉咽塞，手太陰心痛，短氣不得倚息，季
脇空痛，遺失無度，胃滿煩心，足少陰心痛，煩劇面黑，心懸若飢
胃滿，腰脊痛，背俞諸經心痛，與背相引心痛，徹背脊痛，徹心
諸腑心痛，難以俛仰，小腹上衝卒不知入嘔吐泄瀉，此皆諸經
諸俞諸腑涉邪所致，病屬外所因。若五臟內動，淚以七情則其
氣痞結聚於中，腕氣與血搏發為疼痛，肝心痛者色蒼，如死
狀，終日不得太息，真心痛者旦發夕死，夕發旦死，脾心痛者如
針錐刺其心，腹蘊上然氣滿，肺心痛者若從心間起動作痛，益
甚不變色，腎心痛者與背相引善爽如物從後觸，其心身偃俛
胃心痛者腹脹滿不下食，則不消皆臟氣不平，喜怒憂鬱所
我屬內因，飲食勞逸觸忤悲類，使臟氣不平痞滿于中，食飲道

注變亂腸胃發為疼痛或飲啖生冷菓實中寒不能消散結而
為積遇食還散名積心痛及其臟寒生疝致心痛者故有九種
之名除風熱冷屬外所因餘皆不內外因更婦人惡血入心脾
經發作疼痛尤甚於諸痛更有卒中客忤鬼擊尸疰使入心痛
亦屬不內外因丹溪先生曰凡心膈之痛須分久新若知身受
寒氣口食寒物而病初得之時當用溫散或溫利之藥病得稍
久則成鬱矣鬱則蒸熱上久必生火原病式曰若欲行溫利溫
散寧無助火添病耶九治此病必先問平日起居何如假如
心痛有因平日喜食熱物以致死血留於胃口作痛者用桃仁
承氣湯下之脈經曰厥心痛者乃寒氣客於心胞絡也諸蟲痛
如心腹痛懊懣發作腫聚往來上下行痛有休作心腹中執善
渴涎出面色乍青乍白乍赤嘔吐清水者蚊咬也以手緊按而
堅持之無令得移以針刺之久持之蟲不動乃出針也心痛之

脉陰弦為痛微急為痛微大為心痺引背痛短數為痛澇則為痛浮大弦長者死沉細者生且古人論諸心痛皆因六淫七情所致有寒破熱厥有大實者有內因有外因有不內外因以成前證是以古人立論置方後之學者當以誠心切脉熱者涼之寒者溫之感受風邪者散之順氣調血逐水豁痰此其要略耳

心痛通治方

加味七氣湯 治喜怒憂思悲恐驚七氣為病發則心腹刺痛

不可忍者或外感風寒濕氣作痛亦宜服之

半夏湯泡洗 桂心不見火 玄胡索炒去皮已上各二錢半

人參去蘆 乳香 甘草已上各一錢

右作一服用水二鍾生薑五片紅棗二枚煎一鍾食遠服

加味四七湯 治風冷寒邪客搏心腹作痛

桂枝 白芍藥 半夏製 人參

紫蘇已上各一錢半 白茯苓

厚朴製

枳殼炒

甘草各二錢

右作一服用水二鍾生薑五片紅棗二枚煎一鍾食前服

七氣湯 治七情之氣鬱結心腹疝痛不可忍

半夏

人參

肉桂

甘草各二錢半

右作一服用水二鍾生薑三片煎一鍾不拘時服

妙香散 治心氣不足精神恍惚虛煩少睡夜多盜汗常服補

益氣血安鎮心神

山藥薑汁炙

茯苓去皮

茯神去皮

遠志去心炒

黃芪已上各一兩

人參

桔梗去蘆

甘草已上各半兩

木香煨二錢半

辰砂別研

麝香別研

右為細末每服二錢不拘時溫酒調服

卻痛散 治心氣冷痛不可忍者

五靈脂 去砂 蒲黃 炒各一錢 肉桂 去皮 石菖蒲

當歸 木香 胡椒 已剉半各 川烏 炮二

右作一服用水二鍾煎至一鍾入鹽米醋少許食前服

鷄舌香散 治心卒痛安胃進食調冷熱定泄瀉

丁香 一枚 一百 高良薑 一兩 白芍藥 甘草 各半

右為細末每服二錢食前米飲湯調服

玄胡索散 治心卒痛久不愈者

玄胡索 一兩 甘草 二錢

右作一服用水二鍾煎一鍾服如吐逆分作三五次服

勝金散 治卒心痛

桂枝 玄胡索 炒 五靈脂 當歸 各一

右作一服用水二鍾煎至一鍾去滓入鹽少許食前服

拈痛丸 治九種心痛

前功良方卷之八

四

五靈脂

蓬莪朮煨

木香

當歸各半

右為細末煉蜜和丸如梧桐子大每服二十九食前用橘

皮煎湯送下

薑桂飲 治心刺痛

良薑

辣桂各等分

右為細末每服二錢米湯調不拘時熱服

生薑枳殼湯 治中脘氣滯心下引痛

生薑七錢

枳殼三錢

辣桂五錢

右作一服用水二鍾煎至一鍾食前服

九痛丸 治九種心疼及腹脇氣脹不欲飲食

附子

炮去皮臍二兩 吳茱萸炒

人參去蘆

乾薑炮

狼毒

剉碎醋拌炒黃

巴豆

去殼油

右為細末煉蜜和丸如梧桐子大每服三九不拘時用熱

酒送下

愈痛散 治急心痛胃痛

五靈脂去砂 玄胡索炒去皮 蓬莪術煨剉 良薑剉炒

當歸去蘆

右各等分為細末每服二錢不拘特用熱醋湯調服

蜜附湯 治胃涉風邪入腹拘急切痛或吐或瀉狀如霍亂

附子一隻去皮臍切作四片以蜜煎令黃色以湯洗去蜜切作片

桂心芍藥已上各錢 甘草炙一錢

右作一服用水二鍾生薑五片紅棗二枚煎一鍾食前服

加味麻黃湯 治惡氣發熱外因心痛內攻五臟拘急不得轉

側宜服之

麻黃去節 白芍藥 桂心 半夏湯炮七次

乾薑炮 香附子炒 細辛已上各錢 甘草炙半錢

右作一服用水二鍾生薑五片煎至一鍾食前服

二薑丸

治心脾冷痛煨胃消痰

乾薑炮

良薑去皮各等分

右為細末麩糊和丸如梧桐子大每服三十九食後橘皮

煎湯送下

沒藥散

治一切心腹疼痛不可忍者

沒藥

乳香各三錢川山甲五錢木鼈子四錢

右為細末每服一錢用酒同煎不拘時服

大沉香丸

治冷氣攻衝心腹刺痛亦治卒暴心痛

沉香

乾薑炮

薑黃

辣桂

檀香

配錢上各甘松洗焙

白芷

天台烏藥

甘草配錢上各

香附一斤

白薑蓮仁二兩

右為細末煉蜜和丸如彈子大每服一九食前細嚼用生

薑湯送下

蘇合香丸 治卒心痛用生薑橘皮湯化下

方見氣門

沉香降氣湯加乳香

方見氣門治陰陽不和心腹刺痛

燒脾散 治食啖生冷菓菜寒留中焦心脾冷痛不可忍及老

人霍亂吐瀉

乾薑 炮

厚朴 薑製

麥蘖 炒

草菓仁

神麴 炒

良薑 剉炒

橘紅

縮砂仁

甘草 灸各等分

右為細末每服三錢不拘時用熱鹽湯調服

紫沉煎丸 治虛寒積冷伏滯陰氣膨脹心腹疝痛兩脇刺痛

妨悶用之如神重者緊服

沉香

煎一兩五沸別貯

阿魏

非研化盡

浸藥

研一兩酒半升搗研

巴豆霜

銀器內煮汁洗入

硃砂

糊一兩酒半升煮化去石入巴豆酒內熬欲得如稀

硫黃

研細

木香

不見

青橘皮

去白人參去蘆

胡椒

官桂

去皮不見

良薑

水煮六七沸曬

檳榔

一兩

乾薑

三分

丁香

不見

硃砂

別研各

右除硫黃硃砂外先將諸藥為末次入二味研勻入煎膏
搜和入臼杵二三千下丸如梧桐子大每服二三丸橘皮

湯送下如卒暴心痛嚼破醋湯吞下立効

靈脂酒

治熱氣乘心作痛

五靈脂

去砂加玄胡索

浸藥

妙各

右為細末每服二錢溫酒調下

蕪荑散

治大人小兒虻咬心痛經云蟲貫心則殺人欲驗之

大痛不可忍或吐青黃綠水涎沫或吐蟲出發有休止此是蛇心痛也宜速療之

蕪荑

雷丸 各半兩

乾漆 搥碎炒大煙盡一兩

右為細末每服三錢溫水七分盞調和服不拘時甚者不過三服小兒每服半錢

金鈴子散

治熱厥心痛或發或止久不愈者

宜先灸太谿及崑崙穴

金鈴子肉

玄胡索 各一兩

右為細末每服二錢溫酒調下白湯亦可愈後服

朮附湯

治寒厥心痛手足逆冷通身冷汗脉微氣弱

白朮 九錢

附子 四錢半

甘草 炙半錢

右咬咀作二貼每貼用水二盞煎食前溫服

蠶沙散

治男子婦人心氣痛不可忍者服之立止

右用晚蠶沙為末滾湯泡過瀝清汁服之不拘時候

立應散 治婦人血刺心痛

玄胡索炒一兩

右為細末每服二錢不拘時用熱酒調服米湯亦可

神保丸 治心膈氣築痛甚者

方見氣門

鐵刷湯 治心脾積痛婦人血氣刺痛中酒惡心腸滑泄瀉

良薑炒二兩

茴香炒七錢

蒼木製

甘草炙各二兩八錢

右為細末每服二錢空心薑鹽湯調服

辰砂一粒金丹 治一切厥心小腸膀胱痛不可忍者

附子炮

麝香

乾薑

右各等分為細末醋煮糊和丸如梧桐子大硃砂為衣每服三十九丸男子溫酒下婦人醋湯下食遠服

神効散 治遠年近日一切脾疼或陰寒作痛引入背脊疼

葶澄茄

丁香各四錢

補骨脂炒

玄胡索

白芍藥

官桂

香白芷

神麴炒

蓬朮煨

三稜煨

枳殼炒

麥蘖炒

陳皮

木香

青皮

甘草炙已上各一錢

右咬咀作二貼每貼用水二盞生薑三片紅棗一枚煎空心日午臨卧各一服

神聖代鐵散 治心痛不可忍者

乳香

沒藥

川芎

當歸

白芷已上各半兩羌青一兩去翅足

右為細末更研每服一字病甚者半錢先點好茶一盞次糝藥末在茶上不得吹攪沉底細細急呷之心驚欲死者小腸氣搗得如角弓膀胱腫硬一切氣刺虛痛并婦人血癖血刺迷悶血暈血衝心胎衣不下難產痛疾服之神驗